

СПИСОКЪ КАРАМЗИНСКІЙ.

Оуставъ Великою Князю Ярославу Владимерича о судѣхъ. Соудъ о душегоубьствѣхъ.

Правда Роуская.

1) Аже оубиеть кто моужа, то мьстити братоу брата, любо отець ¹⁾, или сыну, любо братъ-чадоу ²⁾, ли братию сынови; оже не будеть кто его мьстят, то положить за голову 80 гривенъ аще ли боудеть княжь моужь или тиоунъ княжь; аци ли боудеть роусинъ, горожанинъ, или гридь, или коунецъ, или тиоунъ болярьскыи, или мечникъ, любо изгон, ли словѣникъ, 40 гривенъ положить зань.

Соудъ Ярославихъ дѣтей.

2) По Ярославу же пакы совькоунивьшеся сынове его: Изяславъ, Святославъ, Всеволодъ и моужи ихъ: Коснячко, Перецьгъ, Никифоръ и отложиша оубиеніе за голову, но коунами ся выкоунати; а иное все якоже Ярославъ судилъ ³⁾.

О оубиствѣхъ соудъ.

3) Аже кто оубиеть княжа моужа въ разбон, а головника не ищоуть, то вервьноюю платити въ чей же

¹⁾ Должно быть: отцо. — ²⁾ Брату-чаду.

³⁾ Для полноты смысла здѣсь должно прибавить слѣдующ. слова, находившіяся во всѣхъ прочихъ спискахъ этой редакціи: такоже и сынове его уставиша.

верви голова лежить: то 80 гривенъ; аще ли людинъ, то 40 гривенъ.

4) Которая ли вервь начнетъ платити дикоую виру, колико лѣтъ за тоу платять тоу виру, занеже безъ головника имъ платити; боудеть ли головникъ ихъ въ верви, то зане къ нимъ прикладывають, того же дѣля имъ помагати головнику, либо си дикоую виру; но платити и вѣончѣ 40 гривенъ, а головничество, а то самому головнику; а въ сороцѣ гривенъ занлатити ему изъ дружины своею часть ¹⁾; но оже боудеть оубилъ оже въ свадѣ или въ пироу явлено, то тако ему платити по вервиниѣ, еже ся прикладывають вирую.

Оже станеть безъ вили разбои ²⁾.

5) Боудеть ли стоялъ на разбои безо всякыя свады, то за разбойника люди не платять, но выдабоудуть ³⁾ самого всего и съ женою и зъ дѣтми на потокъ и на разграбление.

6) Аже кто не вложитя въ дикоую вину и виру, томоу людие не помагаютъ, но самъ платить.

О вирахъ.

7) Се бо закони вирные были при Великомъ Князи Ярославѣ: вирникоу взяти 7 ведеръ солоду на недѣлю, да овенъ, или полоть, или двѣ погаты, а въ середоу коуна, оже сыръ, а въ пятницоу такоже; а коуровъ емоу по двое на день; а хлѣбовъ 7 на недѣлю, а пшена семь оуборковъ, а горохоу такожь, а соли 7 голважень: то ти вирнику съ отрокомъ; а кони 4, а овесъ конемъ

¹⁾ Должно быть: частію.

²⁾ *Вмѣсто:* разбои, на основ. дружихъ списковъ слѣдуетъ читать: на разбои.

³⁾ *Ошибк. в.м.* выдадутъ.

соути на ротъ; вирнику 8 гривенъ, а 10 коунъ перекладная, а металнику 12 вѣкошь, а седная гривна.

О еугахъ же.

8) Оже боудеть вира въ 80 гривенъ, то вирнику 16 гривенъ и 10 коунъ ¹⁾ и 12 вѣкошь, а переди съседная гривна, а за голову 3. гривны.

О князѣ отроць.

9) Аже о князѣ отроць, или въ кошоѣ, или о поварѣ, 40 гривенъ.

10) А за тиоунъ за огнищныи и за конюшни 80 гривенъ.

11) А въ сельскомъ тиоунѣ княжѣ или въ ратойномъ 12 гривенъ, а за радовичъ 5 гривенъ, также и за боярескѣ.

О ремесльваницахъ.

12) А за ремесльваника и за ремесльвеницоу 12 гривенъ.

О смердѣ и холопѣ.

13) А за смердѣ и холопѣ 5 гривенъ, а за робоу 6 гривенъ.

14) А за искоривлича 12 гривенъ, также и за корми(ли)цоу, хотя си будеть холопѣ или роба.

О покленной вирѣ.

15) Аще на кого будеть покленная вира, то оже боудеть послоуховъ 7, то же выведеть вироу, то ти имоуть вѣроу; наки ли варягъ или ниъ кто, то 2; а

¹⁾ Должно быть: кушъ.

на костехъ и по мертвецѣ не платити виры, оже имене не вѣдаютъ, ни знаютъ его.

16) Аже свержетъ виру, то гривна куна сметная отроку; а кто исклещалъ, тому дати другая гривна, а отъ виры помочного 9 кунъ.

17) Искавъже ли послуха и не налѣзеть, а исца начнеть головою кленати, томоу дати исправа желѣзо; такоже и въ всѣхъ тяжахъ, и въ татбѣ и въ покленѣ, оже не боудеть ли исца, тогда дати емоу исправа желѣзо изъ неволи до полоугривнѣ злата; оже ли и мене, то на водоу, али до двою гривну; аще ли мене, то ротѣ емоу ити по свои кунъ.

18) А соуднымъ кунамъ росту нѣтъ.

О мечь.

19) Оже кто оударить мечемъ, не вынесъ его, или роукотню, то 12 гривенъ продажи за обиду.

20. Аже ли вынесъ мечь, а не оударивъ, то гривна кунъ.

21) Оже кто оударить кого батогомъ, или чашею, или рогомъ, либо тылсвицею, то 12 гривенъ; не терия ли противоу тому тиеть мечемъ, то вины емоу въ томъ нѣтъ.

22) Аще ли оутнеть рукоу и отпадетъ рука или оусьхнеть, или нога, или око, или носъ оутнеть, то полоувѣрие, 20 гривенъ, а томоу за вѣкъ 10 гривенъ.

23) ¹⁾ переть оутнеть мечемъ кынъ либо боудеть, 3. гривны продажи, а самомоу гривна.

О мужь кровавь.

24) Иже приидеть кровавъ мужь на дворъ или снъ, то видока емоу не искати, но платити емоу продажи

¹⁾ Здѣсь въ подлинникъ *по оуш.* аще.

3. гривны; аще ли не боудеть на немъ знаменіа, то привести емоу видокъ: слово противоу слова, а кто ли будеть началъ, то тому платити 60 куиъ; аще же и кровавъ приидеть или боудеть самъ почалъ, а выстоунять послуси, то то емоу за платежь, оже и били.

О мечь.

25) Аще оударить мечемъ, а не потнеть на смерть, то 3. гривныи продажи, а самому гривна за рану, оже лечебно есть; а потнеть на смерть, то вира.

26) Иже побьхнеть мужъ мужа, любо къ себѣ, любо отъ себя, или палицею или жердью оударить, а видока два выдуть, то 3. гривныи продажи; аже боудеть варягъ или колбягъ, то полная видока вывести и идеть на ротоу.

О челядинь.

27) Оже челядинъ крыется, а закличють и съ торгу, а за 3. дни не выведуть его, а познають и въ 3. день, то свои челядинъ пояти, а ономоу платити 3. гривныи продажи.

Оже на чюжемъ коньъ ѡздитъ.

28) Аще кто вслдетъ на чюжь конь не прошавъ, то 3. гривныи продажи.

О изибели.

29) Аще кто конь погубать, или оружіе, или портно, а зановѣдаеть на торгоу, а послѣди познаеть въ своемъ градѣ, свое емоу лицемъ взлти, а за обиду емоу платити 3. гривныи.

30) Оже кто познаеть своего, что будеть погубилъ или оукрадено что оу него, или конь, или портъ или

скотина, то не речи ему: се мое; но понди на сводъ, гдѣ еси взялъ; сведоутся, кто боудеть виноватъ, на того татба снидеть; тогда онъ свое возьметъ, или что боудеть погыбло съ нимъ, тои же емоу начнетъ платити.

О татбѣ.

31) Аще боудеть коневын тать то выдати его князю на потокъ; наку ли боудеть клѣтнын тать, то 3. гривны платити емоу за то.

О сводѣ.

32) А оже боудеть въ одномъ градѣ, то ити исцу до конца того свода; боудеть ли сводъ по землямъ, то ити ему до трехъ сводовъ, а что будеть лице, то то ему третьему платити коунами за лице, а съ лицемъ ити до конца своду, а исцу ждати прока, а гдѣ снидеть на конечнаго, то томоу все платити и продажи.

О татбѣ.

33) Паку ли что будеть татебное купишь въ торгу, или конь, или портъ, или скотину, то введеть свободна моужа два или мытника; аже начнетъ не знати оу кого боудеть купишь, то ити по немъ водокомъ ¹⁾ на торгоу на роту, а исцоу свое лицемъ взяти, а что съ нимъ погыбло, а того емоу желѣти, а иному ²⁾ желѣти своихъ куны, зане не знаетъ его, оу кого будеть купишь, а познаеть ли на долзѣ оу кого то купишь, свои емоу куны взяти, и семоу платити, что боудеть оу него погыбло, а князю продажоу.

¹⁾ Должно быть: водокомъ.

²⁾ Въ друг. списк.: оному.

О челядинномъ изводѣ.

34) Аще кто познаеть челядинъ свои оукраденъ, а поиметь и; то оному вести по ковамъ и до 3.-го свода; пойти же челядинъ въ челядина мѣсто, а оному дати лице, а той итти до конечнаго свода; а то есть не скотъ, не азѣ рещи: не вѣдаю, оу кого есмь коушилъ, но по языкоу ити до конца, а гдѣ боудеть конечный тать, то опять воротити челядинъ, а свои поиметь и проторъ тому же платити.

35) А князю продажи въ челядинъ 12 гривенъ или оукраденъ или оуведенъ есть.

О томъ жеъ сводеъ.

36) А ись своего города въ чюже ¹⁾ землю извода ²⁾ пѣтъ; но такоже вывести ему послухы любо мытника, предъ кимъ же коушивше: то исцу лицемъ взяти, а прока سموу желѣти, что съ нимъ погыбло, а оному своихъ коунъ желѣти, доидѣже налѣзеть.

О татѣ.

37) Оже оубиють кого оу клѣти или оу которые татьбы, то оубиють и въ пса мѣсто; аже ли додержатъ до свѣта, то вести и на княжь дворъ; аже ли оубиють и, а боудоуть люди видели связана ²⁾ то платити въ томъ 12 гривенъ.

38) Оже кто оукрадетъ скотъ въ хлѣвѣ или клѣть, то оже боудеть единъ, то платити ему 3. гривны и 30. куны, а боудеть ли ихъ много, то всѣмъ по три гривны да по 30. кунъ платити.

¹⁾ Чюжу. — ²⁾ Въ друг. списк.: свода.

²⁾ Въ подлинникъ, ошибк. повторено здѣсь опять: а боудоуть люди видели.

О татиць оуроци скоты ¹⁾.

39) Аще кто оукрадетъ скотъ на полѣ, или овци, или козы, или свиньи, то 60 коунъ; аще ли ихъ будетъ много, то всѣмъ по 60 кунъ.

40) Оже крадутъ гоумно или жито въ ямѣ, то колко ихъ боудеть крадо, то всѣмъ по три гривны и по 30 коунъ; а у него же погыбло, оже будетъ лице, лицемъ поемлетъ, а за лѣто възметъ по полугривиѣ.

41) Паки лица не боудеть, а боудеть былъ княж конь, то платити за него 3. гривны, а за иныхъ по двѣ гривны.

42) А за кобылу 60 кунъ, а за волъ гривна, а за корову 40 коунъ, а за третняка 30. коунъ, а за лонцину полгривны, а за теля 5 кунъ, а за свинню 5 коунъ, а за порося ногата, а за овцоу 5 коунъ, а за боранъ ногата, а за жеребець, оже будетъ не веѣдано пань, то гривна кунъ дати зань, а за жеребл б ногать, а за коровие млеко 6 ногать: то ти оуроци смердомъ, оже платять княжю продажу.

О холопыхъ.

43) Оже боудеть холопи тати, любо княжи, любо боярьскын, любо черньцевы, ихъ же князь продажею не казнить, занеже соутъ несвободни: то двончи платити къ исцу за обиду.

О запрани кунъ.

44) Аще кто възщеть коунъ на друзѣ, а онъ ся оучне ²⁾ заирати, то оже пань послуши выведеть, то ти пондуть на ротоу, а онъ възметъ коуны свои; за-

¹⁾ Скоту. — ²⁾ Учить.

неже не даѣ ему есть за много лѣтъ, то платити ему за обиду 3. гривныи.

О купцѣ.

45) Аже кто купецъ куплю ¹⁾ дасть въ коуплю куны или въ гостѣбу, то купцу предъ послухы купѣ не имати: послуси ему не надобѣ; но ити ему на роту, оже ся оучиеть заирати.

О поклажѣ.

46) А оже кто поклажен кладеть оу кого любо, туто послуха шѣтъ оу кого тотъ товаръ лежить; но оже начиеть болшимъ клепать, тому ити ротѣ оу кого лежало: како толко еси оу мене положилъ, занеже ему благо дѣялъ и хранилъ.

О рѣзоимствѣ.

47) Аще кто коуны дасть въ рѣзы, или наставы въ медь, или жито въ присопѣ, то послуси ему наставити ²⁾: како ся съ нимъ боудеть радилъ, такоже ему имать.

О мѣсячномъ рѣзу.

48) А мѣсячныи рѣзъ, оже замоло дни, поимати ³⁾ емоу, а заидутъ ли куны до того же годуу, то дадать емоу коуны въ треті, а мѣсячныи рѣзы погреноути; послуховъ ли не боудеть, а боудеть коунъ 3. гривныи, то ити емоу про свои куны ротѣ; боудутъ ли коуны боле, то речи емоу тако: провищовался еси, оже еси послуха не ставилъ.

¹⁾ *Отибк. см. купцу.*

²⁾ *Или поставити.*

³⁾ *Въ друи. см.: то имати.*

О овецъ.

49) А отъ 20 овецъ и отъ двою приплода на 12 лѣтъ 90,000 овецъ и 100 овецъ и 12 овецъ, а борановъ 90,000 и 100 и 12 борановъ, а всего борановъ и овецъ на 12 лѣтъ 180,000 и 200 и 23. А овца метана по 6 ногать, а боранъ по 10 рѣзанъ. А за то за все коунами 40,000 гривенъ и 5000 гривенъ и 50 гривенъ и 5 гривенъ и 40 рѣзанъ. А на тѣхъ овцахъ и на боранѣхъ роунъ 300,000 и 60,000 и 100 и 40 и 6 роунъ; а на тѣхъ роунехъ коунами 7000 гривенъ, и 200 гривенъ и 8 гривенъ и 40 рѣзанъ и 6 рѣзанъ: а роуно чтено по рѣзанъ.

О козахъ.

50) А отъ 20 козъ и отъ двою приплода на 12 лѣтъ 90,000 козъ и 100 козъ и 12 козъ. А то кунами 20,000 и 7000 и 30 гривенъ и 3. гривны и 30 рѣзанъ. А коза метана по 6 ногать. А козловъ 90,000 и 100 и 11 козловъ. А то кунами 10,000 и 8000 гривенъ и 20 гривенъ и 10 рѣзанъ; а козелъ метанъ по 10 рѣзанъ.

О свиныхъ.

51) А отъ трехъ свиен приплода на 12 лѣтъ 70,000 и 3000 и 700 и 20 и 8 свиен. А то коунами 30,000 и 6000 и 800 и 60 гривенъ и 4 гривны.

О вепрьхъ.

52) А вепрь 40,000 и 9000 и 100 и 40 вепрь: то коунами 10,000 и 4000, 700 и 40 гривенъ и 3. гривны и 40 рѣзанъ; а вепрь метанъ по 6 ногать.

О назимыхъ свиныхъ.

53) А назимыхъ 3. свиныхъ, а отъ тѣхъ приплода на

10 лѣтъ 60,000 и 100 и 40 и 4 свиньи. А то коунами 30,000 и 70 и 2 гривны. А свинья метана по полу-гривнѣ; 3. вепри старыя 40 и 5 рѣзанъ.

О кобылахъ.

54) А отъ двою кобылъ на 12 лѣтъ приплода 30 и 2 кобылы, а третячинъ 20 кобылъ, а лонщинъ 20 жеребцевъ, а однолѣтнихъ 10 кобылъ, а 10 жеребцевъ. А то кунами 100 и 30 гривенъ и 2 гривны. А кобыла метана по 3 гривны, а третячина по гривнѣ, а лонщина по 30. рѣзанъ, а однолѣтно по 6 ногать метано. А тѣхъ всѣхъ лошади числомъ 90 и двою.

О лоньскихъ кобылицъ.

55) А отъ лоньской кобылицы приплода на 9 лѣтъ 4 кобылы и съ матерью, а третячинъ 3. кобылицы, а лоньскихъ 2 кобылицы, а отъ тѣхъ кобылъ 10 жеребцевъ, а старыи единъ жеребець. А то коунами 20 гривенъ и 2 гривны. А тѣхъ лошади 20 числомъ.

О лоньской телицѣ.

56) А отъ лоньской телицы на 9 лѣтъ приплода 4 коровы и съ матерью, а третячинъ телиць 3, а лоньскихъ 2 телицы; а отъ старыхъ коровъ 3. быкы старыя, а лоньскихъ два быка, а однолѣтнихъ 5 быковъ. А то кунами 7 гривенъ: а корова метана по двѣ гривнѣ, а третячина по гривнѣ, а лонщина по полугривнѣ; а того скота 20 безъ одного. А отъ того скота сыровъ 300 и 60 сыровъ, а масла 30 горноцевъ: а то кунами 14 гривенъ и 20 рѣзанъ: а сыръ метанъ по рѣзанъ, а горнецъ масла по 10 рѣзанъ.

О пчелахъ.

57) А отъ двоихъ пчелъ на 12 лѣтъ прихода роевъ и старыми ¹⁾ пчелами 200 и 50 и 6 роевъ. А то коунами 100 гривенъ и 20 гривенъ и 4 гривны: а то чтепо по полоугривнѣ рои съ медомъ; а прихода на лѣто по единому рою.

О ржи.

58) А въ селѣ сѣянои ржи на два плуга 16 кадей ржи ростовскихъ ²⁾, а того на одно лѣто прибытка на два плуга 100 копенъ ржи, а на всю 12 лѣтъ 1000 копенъ и 200 копенъ ржи.

О немолоченои ржи.

59) А ржи немолоченые 40 копенъ, а на тоу рожъ прибытка на одно лѣто 20 копенъ, а на всю 12 лѣтъ въ тои ржи прибытка 4000 копенъ и 600 и 60 копенъ ржи.

О полбѣ немолоченои.

60) А полбы немолоченои 15 копенъ, а на то прибытка на одно лѣто 7 копенъ, а на всю 12 лѣтъ въ тои полбѣ прибытка 1000 копенъ, 700 и 50 копенъ.

О молоченомъ овсѣ.

61) А овса молоченого 20 половникъ и единъ; а на то прибытка на одно лѣто 11 половникъ овса, а на всю 12 лѣтъ въ томъ овсѣ прибытка 2000 и 800 и 60 и 3. половники овса.

О ячмени молоченомъ.

62) Ячмени молоченого 6 половникъ; а на то при-

¹⁾ Чит. и съ старыми.

²⁾ Вм. ростовскихъ въ друг. сл.: ростовъ.

бытка на едно лѣто 3. половники, а на всю 12 лѣтъ въ томъ ячмени прибытка 700 и 11 половникъ.

О немолоченомъ житѣ.

63) А немолоченое жито метано на 2 копы 3-я, молоченое жито метано на 2 половника 3-й ¹⁾; а на всю 12 лѣтъ: а немолоченаго жита на 12 лѣтъ ржи половниковъ 7000 копецъ и 600 копецъ и 8 копецъ; а молоченого жита и овса и ячмени полчетверты тысячи половникъ и 70 половникъ и 4 половники. А всего того коунами 170,000 гривенъ и 9000 гривенъ и 300 гривенъ и 90 гривенъ и 4 гривенъ и 30. рѣзанъ и рѣзана, опроче жита.

О сѣнѣ.

64) А того же села пять стожен сѣна, а то на всю 12 лѣтъ 60 стогъ сѣна: а стогъ по гривнѣ, а то 60 гривенъ кунами.

О сиротьемъ вырэдкѣ.

65) А жонка съ дочерью, тѣмъ страды на 12 лѣтъ, по гривнѣ на лѣто, 20 гривенъ и 4 гривны кунами.

А се оуставилъ Великий Князь Владимиръ Всеволодичъ Манамыхъ.

66) По Святополцѣ съзва дружиноу свою на Берестовѣмъ: Ратибора, тысечьскаго Киевьскаго, и Проконя, тысачьскаго Бѣлогородьскаго, Станислава, тысячьскаго Переяславьскаго, Нажира, Мирослава, Иванка Чюдоновича ²⁾, Олгова моужа, и оуставили и до тре-

¹⁾ Т. е. на годъ, какъ прибавл. въ друг. спискахъ.

²⁾ Чюдоновича.

тваго рѣзоу, аже смельть коуны въ рѣзъ въ треть; аже кто възметъ два рѣзу, то то емоу взяти истое; наky ли възметъ третій рѣзъ, то истого емоу не звати ¹⁾).

О рѣзъ же.

67) Аже кто смельть по 10 куиъ отъ лѣта на гривноу, то того не отметати.

68) Оже кто которыи куиецъ, шедъ гдѣ любо съ чюжими коунами, истонител, или рать възметъ, или огнь, то не насилити ему, ни продати его; но како начнетъ отъ лѣта платити ему, такоже платитъ, занеже пагоуба отъ Бога есть, а не виновать есть; оже ли проицется или пробьется, а въ безумни чюжь товаръ потравитъ, то како любо тѣмъ, чьи то коуны, жлоутъ ли ему, продадоутъ ли его—своя имъ воля.

О долзъ.

69) Аще кто многымъ долженъ будетъ, а пришедъ гость изъ иного города или чюжоземець, а не вѣдая запуситъ занъ товаръ, а овятъ начнетъ не дати гостю куиъ, а первии долзъници зачинати емоу начноутъ, не далучи куиъ, то вести я на торгъ и продати и отдати же первое гостеву коуны, а домашнымъ, что ся останеть куиъ, тѣмъ ся подѣлять; наky ли бѣудуть княжи куны, то княжи коуны переже взяти, а прокъ въ дѣлѣ ²⁾; оже кто много рѣза ималъ то томоу не имати.

О закоуиъ.

70) Оже закоуиный ³⁾ бѣжить отъ господина, то

¹⁾ Ошибк. ем. взяти.

²⁾ Въ дѣлежъ или въ дѣль, какъ читается въ друи. сл.

³⁾ Здѣсь подразумѣвается или пропушено: человекъ.

обель; идетъ ли искати кушъ, а явлено ходитъ къ князю или къ судиямъ бѣжить обиды дѣля своего господина, то про то не робятъ его, но дати емоу правда.

71) А вже оу господина ролены закоупъ боудеть, а погубить свонскы конь, то не платити емоу; но еже далъ емоу господинъ плougъ и борону, отъ него же коноу смлетъ, то то емоу погоубившу платити; аще ли господинъ его отошлетъ на свое орудіе, а погибнетъ безъ него, того емоу не платити своему господину.

72) Оже изъ хлѣва, изъ забол, выведуть, то закоупоу того не платити; но еже погоубить на поли или въ дворъ не вженеть и не затворить, гдѣ емоу господинъ его велѣлъ, или орудва своя дѣля погоубить, то емоу платити.

73) Оже господинъ приобидитъ закоупа, оувѣдетъ враждоу и оувередитъ цѣноу, а введетъ вкоупоу ¹⁾ его или отарицоу, то то емоу все воротити, а за обиду емоу платити 60 коунъ; аще ли приметъ на немъ кушъ, то опять емоу воротити куны, что боудеть приалъ, а за обиду емоу платити три гривны продажи; продасть ли господинъ закоупа обель, то и намыту свобода ²⁾ въ всѣхъ коунахъ, а господину платити за обиду 12 гривенъ продажи; аще ли господинъ бьетъ закоупа про дѣло, то безъ вины есть; бьетъ ли не смысла, ниянъ, безъ вены ³⁾, то якоже свободному платити, тако и въ закоупѣ.

О холопъ.

74) Оже холопъ обидный ⁴⁾ выведетъ конь чиний любо, то платити заць 2 гривныи.

¹⁾ Въ друи. спискахъ: куву, копу, ковшу.

²⁾ Наймыту свобода. — ³⁾ Безъ вины. — ⁴⁾ Обидный. —

75) Оже закоупѣ ¹⁾ оуведеть что, то господинъ въ немъ; но оже и гдѣ налѣзоуть, то передь заплатити господинъ его конь или вино что боудеть възялъ, а емоу холопъ обелныи; накы ли господинъ его начнетъ не хотѣти платити зань, а продасть и и отдасть же преже за конь, или за волъ, или за товаръ, что боудеть възялъ, а паробокъ ²⁾ емоу взяти самому себѣ.

76) Аже холопъ оударитъ свобода моужа, а оубѣжитъ въ хоромы, а господинъ его не выдасть, то платити зань господину 12 гривенъ; а за тѣмъ аще гдѣ налезеть оудареныи тои своего исца, которыйи его оударитъ ³⁾, и Великий Князь то Ярославъ Володимеричъ былъ оуставилъ оубити, но то сынове его по немъ оуставиша на коуны, или взяти ⁴⁾, или бити развѣзавше, или взяти гривна коунъ за соромъ.

О послушествъ.

77) А послоушество на холопа не въскладають; но оже не будетъ свободаго, то по ноужи сложити на боярьска тиоуна на дворьскаго, а на иныхъ не въскладати. А въ малѣ тяжѣ, по ноужѣ, сложити на закуна.

О борода.

78) А хто порветъ бородоу, а выметъ знаменіе, а будоуть людие, то 12 гривенъ продажи; а иже безъ людеи, то въ поклебѣ иѣтъ ⁵⁾ продажи.

О зюбъ.

79) Оже выбыють зубъ, а кровь оувидать оу него въ ртѣ, а люди влѣзоуть ⁶⁾, то 12 гривенъ продажи; за зубъ взяти ему гривна.

¹⁾ Закупень. ²⁾ *Въ друг. списк.:* прокъ.

³⁾ Должно быть: ударилъ. ⁴⁾ должно быть: взяти.

⁵⁾ *Въ друг. списк.:* а въ поклебѣ, то иѣтъ. ⁶⁾ Вылѣзуть.

80) Оже боудуть ¹⁾ расѣчена земля или на земли знаменіе, имъ же ловлено, или сѣтъ, то по верви иска-ти къ себѣ тати, а либо продажа платити.

О бобрѣ.

81) Аще кто украдетъ бобръ, то 12 гривенъ про-дажи.

Оже борть разломить.

82) А еже борть разнаменуеть, то 12 гривенъ про-дажи.

83) Оже межю перетнеть бортную, или роленную межю разореть, или дворною межю тыномъ переты-нить, то 12 гривенъ продажи.

О дубѣ.

84) Оже дубъ перетнеть знаменцыи, или межъны пе-ретнеть, 12 гривенъ продажи.

О накладѣхъ.

85) А се накладъ 12 гривенъ: отроку 2 гривны и 20 кунъ, а самому ѣхати съ отрокомъ на дву ко-нехъ, а овесъ соути на ротъ, а мяса дати овецъ или полоть, а ниѣмъ корму, что имъ чрево возметъ, а вису 10 кунъ, перекладнаго 5 кунъ, а за мѣхъ 2 погаты.

О борти.

86) Оже борть подломить, 3. гривны продажи, а за дерево 3. гривны ²⁾.

87) Оже пчелы выдереть, 3. гривны продажи, а за

¹⁾ Будеть.

²⁾ Вм. 3. гривны *вз друи. сл.*: полгривны.

медь, еже будоуть ичелы не лажены, то 10. коунъ;
боудеть ли олекъ, то 5 коунъ.

88) Не боудеть ли тата, то по слѣдоу женоуть; еже
боудеть слѣдъ къ селу или къ товару, а не отсочать
отъ себя слѣду и ни идоуть на слѣдъ, ни отбьются,
то тѣмъ платити и татьба и продажа, а слѣдъ гонить
съ чюжими людьми и съ послухы; а еже погоубять
слѣдъ на гостиници на велицѣ, а села не будеть,
или на поусть, гдѣ же не будеть ни села, ни люди,
то не платити ни продажи, ни татьбы.

О смердяхъ.

89) Оже мучить смердъ смерда безъ княжа слова,
то 3. гривны продажи, а за моуку гривна кунъ.

О онищанинъ.

90) Аще онищанина моучить, то 12 гривенъ прода-
жи, а за моуку гривна коунъ.

91) Аще лодью оукрадеть, то 60 коунъ продажи,
а лодню лицемъ воротяти, а не боудеть лицемъ, то
за зоморьскоую лодью 3. гривны, а на забонною 1)
2 гривны, а за стругъ гривна, а за челнъ 8 коунъ.

О перевьсахъ.

92) Аще кто посѣчеть верею, или вервь перетнетъ
въ перевьсѣ, то 3. гривны продажи, а господину за
верею и за вервь гривна кунъ.

О перевьсахъ и о птицахъ.

93) Аще кто оукрадеть въ чеемъ перевьсѣ чин

1) Ошибк. на забонную вм. за набойную.

песъ, или ястребъ, или соколъ, то 3. гривны продажи, а господину гривну.

94) А за голубь 9 кунъ; а за куря 9 коунъ; а за оутя 30 кунъ.

95) ¹⁾ А за жаравъ 30 кунъ.

96) А въ сѣнѣ и въ дровѣхъ 9 кунъ, а господину колко боудеть возъ оукрадено, то имати емоу за возъ по двѣ ногатѣ.

О юумиль.

97) Аще кто зажъжеть гоумно, то на потокъ и на грабежъ домъ его, преже нагоубу росплативши, а въ процѣ князю поточити; такоже оже кто дворъ зажъжеть.

98) А кто пакощами конь зарѣжеть или скотину, то продажи 12 гривенъ, а за нагоубоу господиноу гривна оурокъ платити.

99) А тѣ тяжи вси соудать съ послухы съ свободными; будеть ли послухъ холопъ, то на правду холопоу не вылазити; но оже хочеть истецъ или иметь нарекати тако: по сего рѣчи азъ емлю тя, а не холопъ, и емлетъ на желѣзо; оже обвинить и, тои емлетъ на немъ свое; не обвинить ли его, а платити ему за моуку гривна, зане полхолопъ ²⁾ рѣчи ягъ и.

100) А желѣзного платити 40 кунъ, а мечникоу 5 кунъ, а полъгривны дѣтскому: то ти желѣзные оуроки, кто си въ чемъ емлетъ, а еже емлетъ на желѣзо по свободныхъ людей рѣчи, !любо ли запа нанъ будеть, ли запна не будеть, или прихождение пощное, или кимъ любо образомъ оже не ожется, про то муки не платити ему, ни ³⁾ одно желѣзное, кто и будеть ягъ.

¹⁾ *Пропущено:* А за лебедь 30 кунъ, а за гусь 30 кунъ.

²⁾ *Ошибк. е.м.:* по холопъи.

³⁾ *Должно быть:* по.

О женѣ.

101) Оже кто оубиеть жену, по ¹⁾ тѣмъ же судомъ судити, якоже и мужа: оже боудеть виновата, то полвиры, 20 гривень.

102) А въ холопѣ и въ робѣ виры нѣту; но оже боудеть безъ вины оубиень, то за холопѣ и за робу платити оурокъ, а князю продажи 12 гривень.

О смердѣи задницѣ.

103) Оже смердъ оумреть безъ дѣти, то задница князю; оже боудуть оу него дѣщери дома, то даяти часть на ня; аже ли боудуть за мужьми, то не дати ²⁾ части.

О боярѣстѣи задницѣ и о людствѣ.

104) А иже въ боярехъ или же въ боярѣстѣи дружинѣ, то за князя задница не идетъ; но оже не боудеть сыновѣ, а въ дщери възмоуть.

105) Аще кто оумараа раздѣлитъ домъ дѣтемъ своимъ, на томъ же стояти; пакы ли безъ ряду оумреть, то всѣмъ дѣтемъ, а на самого часть дати по души.

О женѣ.

106) Аще жена сядеть по мужи, то дати ей часть, а оу своихъ дѣтенъ взяти часть, а что на ню мужъ възложилъ, тому же есть госпожа, а задница ея ²⁾ мужьни не надобѣ; боудоуть ли дѣти, то что первои жены, то то възмоуть дѣти матери своен, любо си на женоу боудеть възложилъ, обаче матери своен възмоуть.

1) Въ друг. спискахъ: то.

2) Въ друг. список. прибавл.: имъ ничтоже.

3) Въ друг. сп. правильнѣе: ей.

107) Аже будеть сестра въ домоу, то той задници не имати, но отдадять ю братіа за моужь, како си могутъ.

А се оуроци юроднии.

108) Городникоу закладъюче городню, куна взяти, а кончавше погата, а за кормъ и за вологоу и за рыбу 7 коунъ на педѣлю и 7-ро хлѣбовъ, 7 оуборковъ пшена, 7 лукоунъ ¹⁾ на 4 кони, а имати емоу донелѣже городъ срубать, а солодоу единою емоу дадять 10 лукоунъ.

А се оуроци мостовные.

109) Мостнику, помостившоу мостъ, взяти емоу отъ дѣла отъ 10 лакоть по погатѣ; аже починить моста ветхаго, то колко городень починить, то взяти ему по кунѣ отъ городни, а мостнику самому другу ѣхати на дву конехъ съ отрокомъ, а овса 4 лукуна.

О задницъ.

110) Аще боудоуть робъи дѣти оу моужа, то задници имъ не имати; но свобода имъ ²⁾ матерью.

111) А оже боудеть оу моужа въ домоу дѣти малы, а не движася ³⁾ сами собою печаловати, а мати имъ повдеть за моужь, токмо ⁴⁾ имъ ближнии боудеть, томоуже дати на роуцѣ и съ добыткомъ и зъ домоу, донелѣже възмогоуть, а товаръ дати предъ людми, а что срѣзитъ товаромъ тѣмъ или пригостить, то то ему себѣ, а нестыи товаръ воротити имъ, а прикушъ емоу себѣ, зане онъ прекормилъ и печаловался ими; оже отъ челяди плодъ или отъ скота, то все поимать

¹⁾ Пропущено: овса. — ²⁾ Пропущено: съ.

³⁾ Въ друг. списк.: а не дежи ся, а не дюжи ся.

⁴⁾ Въ друг. списк., кажется, правильные: то кто.

лицемъ, что поималъ будеть; что ля боудеть расте-
рялъ, то все емоу платити дѣтемъ ¹⁾).

112) Аще же и отчимъ приметъ съ задницею дѣ-
тен, и то такоже есть рядъ, якоже рядилъ; а дворъ
безъ дѣлу отенъ всякоу меншему сынови.

О женѣ.

113) Аще жена оборчетя сидѣти по мужѣ, а ро-
старяеть добытокъ, а поидеть за моужь, то платити
емоу ²⁾ все дѣтемъ; не хотѣти ли ея ³⁾ начьнуть
дѣти ни на дворѣ, а она начиеть всякоу сидѣти вос-
хоцеть зъ дѣтми, то сѣтворити всякоу волю ея, а
дѣтемъ не дати воли; но что ея далъ моужь, съ тѣмъ
же ея и сидѣти съ дѣтми, или свою часть вземше
сидитъ же.

114) А материя часть дѣтемъ не издобѣ, но кому
мати въсхоцеть, тому дасть: дасть ли всѣмъ, и всѣмъ ⁴⁾
раздѣлять; безъ языка ли оумреть, то оу кого ли
боудеть на дворѣ была и мертва и кто ю кормилъ,
тому взяти.

115) Оже боудеть двою моужии дѣти, а однимъ ма-
тери, но ⁵⁾ онѣмъ своего отца задница, а онѣмъ сво-
его отца; боудеть ли что потерялъ своего иночима,
а онѣхъ отца, а оумреть, то възварити ⁶⁾ брату, наш
иже людие выльзоуть, что боудеть ростерялъ отецъ
его иночимля, а что емоу своего отца, то дрѣжить.

116) А матеря, которыя ея сынъ боудеть ⁷⁾, пер-
ваго ли моужа или другаго ли, томоу же дасть все; аще

¹⁾ Въ друи. сп. прибавл.: тѣмъ.

²⁾ Въ друи. сп.: ей. — ³⁾ Въ друи. сп.: съ, ея.

⁴⁾ Все. — ⁵⁾ Должно быть: то.

⁶⁾ Ошибк. вм. взворотати, какъ въ друи. сп.

⁷⁾ Пропущ.: добръ.

ли и всѣ сынове ея боудуть лиси, а дщери можетъ дати, кто ю кормить.

О задницѣ.

117) Аще братна растяжуются предъ княземъ о задницѣ, то который дѣтскыи идетъ ихъ дѣлити, томуу взяти гривна кушъ.

О судебныхныхъ оуроцѣхъ.

118) А се оуроци судебнии: отъ виры 9 коушъ, а металнику 12 вѣкошъ; а отъ бортнои земли 30 кушъ, а металнику 12 вѣкошъ, а отъ роелнои ¹⁾ земли такожь; а отъ свободивше челядина 9 кушъ, а металнику 9 вѣкошъ; а отъ иныхъ отъ всѣхъ тяжъ кому помогуть, по 4 коуны, а металнику по 6 вѣкошъ ²⁾.

О холобствѣ.

119) А холобство обелное трое: еже кто то кунить хотя и до полугривны, а послужы поставитъ, а ногату дастъ предъ самѣмъ холономъ, а не безъ него.

120) А другое холобство: поиметь робу, а безъ рядуу; поиметь ли съ рядомъ, како ся боудеть рядилъ, на томъ же и стоитъ.

121) А се третіе холобство: тиоуньство безъ ряда или ключъ къ себѣ привяжетъ; съ рядомъ ли, то како ся боудеть рядилъ, на томъ же и стоитъ.

¹⁾ Въ друп. сл.: ролеянон.

²⁾ За симъ въ друиыхъ спискахъ находится слѣдующ. статья, которой въ сл. Карамзинскомъ вовсе недостаетъ:

А се оуроци ротнии: отъ головы 30 коушъ, а отъ бортныи земли 30. кушъ безъ трюу кушъ, такоже и отъ роленныи земли, а отъ свободы 9 коушъ.

122) Влаць не холопъ, а нини ¹⁾ по хлѣбѣ робять, ни по придацѣ; но оже не ходять годъ, то ворочати емоу милость, отходить ли, то не виновать есть.

123) Оже холопъ бѣжить, а зановѣсть и господинъ, аже слышавъ кто или знаа или вѣдаа, оже есть холопъ, и дасть емоу хлѣба или путь емоу покажеть, то платити за холопъ 5 гривень, а за робу 6 гривень.

124) Аще кто переиметь холопа чужаго или робу и дасъть вѣсть господину его, то взяти емоу переима гривна кунъ; не будетьли ²⁾ его, то платити емоу 4 гривныи за холопъ, а пятая переемная емоу, а боудеть роба, 5 гривень, а 6 ³⁾ на персемъ отходить.

125) А кто самъ своего холопа досочитса въ чеемъ любо городѣ или въ хоромѣ, а будеть намѣстникъ не вѣдалъ его, то поведавше емоу пояти же оу него отрокъ и шедше оувязати и и дати емоу вязебную 10 кунъ; аще оуноуститъ и гоня, а себѣ емоу пагоуба, а не платитъ въ то никтоже, тѣмъ же и переима нѣтъ.

126) Оже кто не вѣдая чужъ холопъ оусрацеть или повести дѣеть или держитъ и оу себя, а оттыдетъ отъ него, то ити ротѣ, яко не вѣдалъ есмь, оже есть холопъ, а платежа въ томъ нѣту.

127) Оже гдѣ холопъ вылжетъ коня ⁴⁾, а онъ боудеть не вѣдая влаць, то господину выкупати и, или лишитса его, вѣдая ли боудеть дагъ, то кунъ лишени емоу быти.

128) Оже кто поуститъ холопа въ торгъ, а дол-

¹⁾ Вм. а нини *въ др. сп.* и ни.

²⁾ Вм. не будеть ли, *въ друи. сп.:* не ублюдетъ ли.

³⁾ Шестая.

⁴⁾ *Въ друи. список., кажется, правильнее:* куша.

жаеть ¹⁾), то выкупати его господину, а лишатися его не зѣ.

129) Оже кто коупитъ чужь холопъ, а не вѣдая, то первому господину холопъ плати, а оному коупы имати, ротѣ ходивше, яко не вѣдая есмь купилъ; вѣдая ли боудеть купилъ, то купъ емоу лишеноу быти.

130) Оже холопъ бѣгая добоудеть товару, то господину холопъ и долги, господину же и товаръ.

131) Аще кто бѣжа, а поемля ²⁾ соуздие или товаръ, то господину платити зань оурокъ, что будеть взлѣ.

132) Оже холопъ крадетъ кого любо, господину выкупати и любо выдати съ кѣмъ боудеть крадъ, а женѣ и дѣтемъ не надобѣ; а оже боудеть съ нимъ крали или хоронили, то всѣхъ выдати; наky ли выкупаеть господинъ; аже будутъ съ нимъ свободнии крали или хоронили, то ти князю въ продажи.

О челоуцѣ.

133) Оже челоуцкъ полгавъ куны оу людехъ, а побѣжитъ въ чужоу землю, вѣры емоу не яти, какъ и татю.

О юродскихъ мостехъ осменники ³⁾ поплата.

134) А въ Людинъ конецъ чрезъ гроблю отъ Добрыни оулицѣ въ городня врата до Бискупли оулицы ⁴⁾, до Бориса и Глѣба, а Тиможеномъ до Коломлянъ, а Коломлянѣмъ, до Перетьского мосту, а Нерядичаномъ до Веряжанъ, а Веряжанѣмъ до Пидблянъ,

¹⁾ А одолжветъ.

²⁾ Въ дру. сл.: поемлетъ что.

³⁾ Въ дру. сл.: о смеельникѣ.

⁴⁾ Пропущено: а отъ Бискупли оулицы съ Прусы.

а Пидьблянѣмъ до Чюдинцевой оулицѣ, а Чюдинцевы оулицѣ съ Загорожаны до городскихъ воротъ, а Владыцѣ сквозѣ городная врата съ изгон, а съ другими ¹⁾ до Острое оулицы. 1) Довыджа ста, 2) Сленцава ста, 3) Бовыкова ста, 4) Олексеѣна ста, 5) Ратиборева ста, 6) Кондратова ста, 7) Романова ста, 8) Сидорова ста, 9) Гаврилова ста, 10) Княжи ста, 11) Княжа, 12) Ржевская, 13) Бѣжитская, 14) Володская, 15) Обонижская, 16) Лоуская, 17) Лобьская, 18) Волховская, 19) Яжельбичская, двои рили до торгоу, Софияномъ до тысяцскаго, тысяцскому до воцникъ, отъ воцникъ посадинокю до великого ряду, отъ великого ряду князя ²⁾ до Неметьго вымога ³⁾, Немцемъ до Ивана вымола, Гтомъ до Гелардова вымола до задняго, отъ Гелардова вымола огнищаномъ до Боудитина вымола, Ильицаномъ ⁴⁾ до Матеева вымола, а Михаиловцемъ до Бардицы оулки, а Видковичамъ до Климятинныхъ сѣнен.

О муцѣ.

135) Оже оутяжутъ въ моукѣ, а посидитъ оу дворищи, 8 ногать за тоу моукоу, а оу колоколници бьютъ кноутомъ, а за тоу моуку 80 гривень.

По си мѣсто Соудебникъ Ярославль.

¹⁾ Въ нѣкоторыхъ сп. прибавл.: изгон.

²⁾ Въ друг. сп.: князю.

³⁾ Въ М. Неметьго вымога въ друг. сп. правильнѣе: Нѣмецкаго вымола.

⁴⁾ Въ друг. сп. Ильицдемь.